



<b>Adroddiad i'r</b>	Byrddau Gwasanaethau Cyhoeddus Conwy a Sir Ddinbych (BGC)
<b>Dyddiad y cyfarfod</b>	Dydd Mercher 23 Mawrth, 2022
<b>Aelod Arweiniol / Swyddog</b>	Graham Boase, Prif Weithredwr Cyngor Sir Ddinbych
<b>Awdur yr adroddiad</b>	Nicola Kneale, Rheolwr Tîm Cynllunio Strategol CSDd a Shannon Richardson, Swyddog Cynllunio Strategol a Pherfformiad
<b>Teitl</b>	Datblygu Cynllun Lles Conwy a Sir Ddinbych

## 1. Am beth mae'r adroddiad yn sôn?

1.1. Mae'r adroddiad yn amlinellu'r casgliadau o'r gweithdy BGC Conwy a Sir Ddinbych a gynhaliwyd ddydd Llun 31 Ionawr, lle y cyflwynwyd crynodeb o'r Asesiad Lles a manylion ynghylch yr heriau oedd yn codi. Yna, cafwyd trafodaeth grŵp i ddehongli 'Sut mae'r BGC yn deall y berthynas (a gwir achosion) rhwng yr heriau hyn?'.

1.2. Mae'r adroddiad yn canolbwyntio ar broses y camau nesaf ar gyfer y BGC wrth ddatblygu Cynllun Lles y BGC, ac mae'n ceisio rhesymoli'r nifer o flaenoriaethau yn unol â lle y credir y mae modd ychwanegu'r mwyaf o werth.

## 2. Beth yw'r rheswm dros lunio'r adroddiad hwn?

2.1. Mae Deddf Lles Cenedlaethau'r Dyfodol (Cymru) 2015 yn gosod gofyniad statudol ar bob BGC i lunio Cynllun Lles Lleol ar gyfer eu hardal. Rhaid i'r Cynllun Lles Lleol nodi sut mae'r BGC yn bwriadu gwella elfennau economaidd, cymdeithasol,

amgylcheddol a lles diwylliannol ei ardal, drwy osod amcanion lleol a fydd yn gwneud y gorau o'r cyfraniad a wneir gan y bwrdd i gyflawni nodau lles yn ei ardal.

### **3. Beth yw'r Argymhellion?**

- 3.1. Argymhellir bod y BGC yn ystyried cynnwys yr adroddiad hwn gan gynnwys y materion na drafodwyd fel rhan o'r gweithdy BGC fis Ionawr, a'r atodiadau;
- 3.2. Bod y BGC yn ystyried beth fydd y blaenoriaethau ar gyfer y dyfodol, argymhellir bod aelodau'r BGC yn cytuno i ganolbwyntio ar uchafswm o 3 blaenoriaeth yn eu dull arweinyddiaeth.

### **4. Manylion yr adroddiad**

- 4.1. Rhaid cyhoeddi'r Cynllun Lles Lleol cyn pen blwyddyn ar ôl cyhoeddi'r Asesiad Lles. Felly, rydym yn gweithio tuag at ddyddiad cau arfaethedig ym mis Mawrth / Ebrill 2023 ar gyfer cyhoeddi'r Cynllun Lles Lleol.
- 4.2. Yn seiliedig ar y drafodaeth yn ystod y gweithdy ar 31 Ionawr, daeth pedwar maes blaenoriaeth i'r amlwg. Mae'r swyddogion wedi ystyried y drafodaeth er mwyn nodi'r achosion craidd, perthnasoedd a dylanwad / rheolaeth y BGC (Gweler Atodiad A).
- 4.3. Ystyrir mai adran dylanwad a rheolaeth y dadansoddiad (Atodiad A) yw'r bwysicaf er mwyn rhoi ystyriaeth ddigonol i sut y gall y BGC ychwanegu'r gwerth gorau a chael dylanwad cryf ar bobl o fewn pob thema. Gallai blaenoriaethu'r adran hon arwain at ganlyniad ar y themâu sydd fwyaf addas i'w datblygu fel blaenoriaethau ar gyfer y dyfodol.
- 4.4. Dyma'r pedwar maes blaenoriaeth a ddaeth i'r amlwg yn y drafodaeth:
  1. Tlodi, amddifadedd ac anghydraddoldeb
  2. Swyddi, uwchsgilio ac uchelgeisiau pobl ifanc
  3. Tai – fforddiadwyedd a gwydnwch
  4. Capasiti ymchwil ac ymgysylltu

4.5. Nodwyd nifer o heriau pwysig o fewn yr Asesiad Lles na ystyriwyd yn y drafodaeth yn y gweithdy BGC. Teimlai'n berthnasol gofyn i aelodau'r BGC ailystyried y materion hyn cyn gwneud penderfyniad ynghylch y blaenoriaethau terfynol ar gyfer y dyfodol.

4.6. Ni thrafodwyd y materion canlynol:

1. Economi werdd e.e. Cymunedau sy'n wydn yn wyneb newid hinsawdd, yn gwarchod bioamrywiaeth a sectorau economaidd gwydn sy'n cefnogi diwylliant, natur a threftadaeth.
2. Seilweithiau digidol dibynadwy
3. Heneiddio a heneiddio'n dda
4. Naws am le a hunaniaeth ddiwylliannol e.e. cymunedau diogel a deniadol

4.7. Yn dilyn trafodaethau gyda chydweithwyr o'r rhwydwaith Cyd-gynhyrchu, rydym wedi datblygu cynllun i amlinellu'r camau nesaf a dull arfaethedig i ddatblygu Cynllun Arwain Lles BGC (Gweler atodiad B). Mae'r cynllun yn amlinellu'r prif ystyriaethau ar gyfer aelodau BGC wrth iddynt feddwl am ddatblygiad y cynllun yn yr hirdymor. Un newid allweddol i'r Cynllun Lles blaenorol yw cynnwys adran sy'n amlinellu'r dull o ymgysylltu, a'r pwyslais ar gyd-gynhyrchu cynnwys y cynllun â chymunedau a phartneriaid.

## **5. Pa ymgynghoriadau sydd wedi'u cynnal gyda Chraffu ac eraill?**

5.1. Caiff y Cynllun Lles ei ddatblygu yn seiliedig ar y dystiolaeth o'r Asesiad Lles, sydd wedi ei rannu ar gyfer ymgynghoriad cyhoeddus trwy gydol mis Chwefror a mis Mawrth 2022. Yn ychwanegol, cyflwynwyd y cynllun i Gyd-bwyllgor Trosolwg a Chraffu Conwy a Sir Ddinbych fis Chwefror i'w adolygu, fel rhan o'r broses ymgynghori ac er mwyn ceisio argymhellion gan y Pwyllgor o ran ei gynnwys a'r canfyddiadau.

5.2. Ar ôl i'r BGC gymeradwyo'r Cynllun Lles, bwriedir cynnal yr ymgynghoriad 12 wythnos Statudol rhwng mis Mehefin a mis Medi 2022.

## **6. Pa risgiau sydd ac a oes unrhyw beth y gallwn ei wneud i'w lleihau?**

- 6.1. Mae risg bod diffyg dylanwad neu reolaeth gan y BGC o ran yr amcanion a ddewiswyd. Caiff y risg ei lliniaru wrth i'r BGC feithrin dull arweinyddiaeth gan y cydnabyddir y prinder yn adnoddau'r BGC.
  
- 6.2. Mae risg bod blaenoriaethau'r BGC yn dyblygu gwaith parhaus sefydliadau eraill. Mae'n bwysig felly i weithio'n agos â phartneriaid a budd-ddeiliaid i nodi sut y gallai rôl arweinyddiaeth y BGC ychwanegu'r gwerth gorau.

## **7. Pŵer i wneud y penderfyniad**

- 7.1. Deddf Llesiant Cenedlaethau'r Dyfodol (Cymru) 2015